



浙江圖書館

重修連州學記



浙江圖書館



重修連州學記



連州學。經始於宋。增修於明。至我朝。順治。康熙。乾隆。間。益整以備。今皇上御極之十八年。署知州事。愛昇暨學。正徐大襄訓導。明離照議重修。十九年。知州事王熊董其成。二十年。某臨連科試。首事。考廉方正。張岐祥等。以重修事請記于某。迺進在事者而言。曰。連嶺表奧區。自昌黎韓子南軒張子來游于斯。文教日以興起。而郡學亦日以恢宏。今在事者復葺而修之。可謂盛矣。抑某按說文。修飾也。脩。脯也。經文之修。多假脩。故曰脩身學也。者所以講明大學之道之地也。大學之道。脩身為本。苟在事者。即修學之功。為脩身之法。革其舊而新。是謀則韓子張子之克紹先聖者在是。吾人之克紹韓子張子者。亦在是。而學為不虛設。己某請與在事者

代鎮粵將軍解廨記

粵隸中國南背嶺距海袤延四千里高山大江名都鉅鎮以數百
計西東南蠻貿易往來羅珍儲怪水陸交會士民都麗物產殷富
風俗之華為邊地最而省會又為郡縣最然而土廣人眾所轄吏
旌誅徵解日不暇給事悉滙所統吏縣滙于郡滙于省文書絡
徒吏雜遘政事之繁亦為邊地最而大吏又為諸吏最將軍官一
品位次在文武百僚上願所轄僅滿洲漢軍八旗水陸各營滿漢
又各有都統領之將軍特總其成而國家承平未嘗有徵調事
吏抱文書請署押皆依故事申舊章猶日或不得一二焉位專於
疆域吏而事乃不及郡縣吏何其官高而政簡也余來鎮粵三年
既日以無事幸余署據內城正烈坊本故藩府亭治花竹為省會

勝珍禽奇獸不俟人而畜也。余尤喜其省會居無省會奢靡之習。於是俯仰上下。頽而樂之。蓋岩穴放曠之所不能得者。將軍能得焉。又何其地衝而境僻也。今夫城市山林。仕官逸逸。各擅其勝者也。雖然。使非余日以無事。又安能獲其勝而樂之哉。使非我國家休養生息。二百年來海疆安謐。民不知兵。又安能獲是無事之一日哉。此余所以雍容清晏。嘯歌自足之餘。嘗感激涕零。不能自己也。抑余每自勗曰。官高毋自以為高。則高而不危。政簡毋自以為簡。則簡而能敬。高而不危。簡而能敬。居衝地而安僻境。庶幾勿負斯職乎。勿負斯職。斯勿負斯樂也。是說也。蓋自勗不敢以自信。今奉命將去之蜀。於其行也。謹記辭辟以告來者。

陳忠愍畫像記

陳忠愍畫像有二本。一婁徐生跋。一華亭雷生繫之傳。皆刊行。雷生曰。公名化成。閩同安人。由行伍以功游除江南水師提督軍門。道光二十年六月。西夷英吉利陷定海。公蒞任七日。即馳赴吳淞。築土城二十里。建礮臺二。鑄礮六十。自寢處臺所。訓練士卒。衣食與同。嘗霖霖水過膝。不言供帳。上下以安。二十一年。賊再陷寧海。及鎮海。入寧波郡。上命將往。勦失利。東南騷然。獨吳淞恃公以無恐。二十二年四月。賊陷乍浦。旋至金山衛。窺吳淞。素畏公。遂巡不進。月餘。集巨艦逼吳淞口。公守西礮臺。擊賊。壞十數舟。賊攻東礮臺。賊入。公被礮一。被銃七。北面再拜死之。裨將韋印福。錢金玉。許林。許攀桂。徐大華。暨親兵數十人。從死。武進士劉國標。藏公屍。

蘆中旬二日出屍面如生奏入。賜卹有加。謚忠愍。邦人士刊其
像以行。浙西戴熙奉圖再拜言曰。國家邊徼功臣。皆罔形紫光閣。
道光八九年間。卒回疆張格尔之亂。紫光閣肖軍機大臣曹振鏞
以下四人。功臣長齡以下四十人像。各製贊。中外莫不榮之。公
以將帥才。膺封疆任。不克蕩平海宇。獻俘闕廷。列爵公侯。傳形
祕閣。徒令邦人士哀思感憤。供奉遺像。尸祝而祭報之。烏足為
公榮。然而難定者。邊徼之功臣。死難者。名教之功臣。邊徼功一時。
名教功萬世。圖形於朝。與圖形於野。其榮一也。且夫邦人士之圖
公。不獨為死難公之難。在收召驕惰。振奮果勇。淪肌浹髓。累月積
歲。若夫嬰城海隅。伏散援失。從容結纓。成仁報國。故徐生前後
公殉難者有人。於公哀痛獨深者。以公清廉忠義。固結民心也。然

則公不死猶圖之。况於死而圖公不死矣。大夫生為其死為

公殉難者有人於公哀痛獨深者以公清廉忠義固結民心也然

則公不死猶圖之况於死死而圖公不死矣大丈夫生為英死為神使魁梧奇偉之狀流傳士大夫之手販夫牧豎指而識之呼其姓氏述其軼事赫然常在人耳目如鐵槍寺之王彦章像者亦可謂至榮矣夫抑熙又聞西夷之變虜數來犯浙陷瀕海郡縣折提督余步雲者本回疆功臣圖形紫光閣列四十人之八至是屢失地逮京師卒以功不掩罪服重典被圖于朝反不如此圖於野天之意以為我特假圖于_吳以榮之者明公之榮萬世不可磨滅非一時之榮所得比數也二像皆神似惟衣冠或不中古畫訓因手自增損勒一本藏於家并為之記

館

書

圖

注

浙



Faint, illegible text, likely bleed-through from the reverse side of the page, covering most of the page area.

脩張文獻公祠記

脩張文獻公祠記

大凡不朽之業必本於所學而學必有所自出公之學出於經學公者不知公學所自出雖欲學而無從公生七歲知屬文十三上書廣州牧牧曰此致遠器也已而為張說沈佺期所賞時號文壇元帥亦曰文章樹唐元宗舉文學士以道侔伊呂科對策高第為學士時帝賜渤海詔當草者不副意乃屬公草大見褒賞開元間文章稱極盛公以清才麗藻頡頏上下獨出冠時可謂難矣然此特公末節世之讀公傳者見公宏模遠識炳耀千古固知公學非文章所得盡而熙特以為公學出自經何也請徵之傳公當元宗初為左拾遺時帝接即位久未郊見公上言繼統之主首重郊祀報所受也陛下紹休聖緒於五載未行大報不可以訓帝嘉納之

後武惠妃謀陷太子。公力持之。妃致語。公作曰。宮帷安得有外言。輒以聞。此深於禮。張守珪以斬可突干功。欲徵為侍中。公不可。帝曰。假其名號若何。對曰。名器不可假。此深於春秋。公為李林甫所危。會帝賜白羽扇。獻賦自況。其詞曰。苟效用之得所。雖殺身而何忌。縱秋風之移奪。終感恩於篋中。此深於詩。帝天長節。百僚多獻金寶。惟公進千秋金鑑錄。具陳前古興衰。此深於書。帝欲相林甫。公曰。宰相係國安危。陛下相林甫。恐異日為社稷憂。又帝欲貸安祿山死。公曰。祿山有逆相。弗誅必為後犯。言皆驗。易曰。知幾其神。此非深於易。而何故。其時帝作七寶座。召諸學士講經義。勝者升焉。惟公得升。此座帝嘗曰。他日相卿。當以經術濟朕。豈所謂知臣莫若君者。耶。世之學公者。不知公學所自出。輒曰。風度。風度。云爾。

乃去公愈遠。韶公故里，舊有祠在武水西。勝國始移於郡學之右。道光二十四年四月，熙來按科試，公裔明善^等造新公祠，請記于熙。熙來韶即求公集讀之，既又求公所著講經語錄二卷，已亡失。惜公遺書不能具存，不足徵熙公學出經之言，而猶幸拜公廟得瞻公遺像也。乃進明善等而言曰：公之名在宇宙，不廢繫乎祠之興廢。然有志興公祠，必慕公。慕公當學公。熙請以治經一言為學公者導。

浙江

陽山縣脩文廟記

Faint bleed-through text from the reverse side of the page, including characters like '陽山縣脩文廟記' and '陽山縣'.



浙江圖書館

陽山縣脩文廟記

昔昌黎子韓為雋州孔子廟碑。自天子至郡邑守長。通得祀而徧天下者。唯社稷與孔子。而白龍弃祀事。皆不如孔子盛。白龍弃以功。孔子以德。至哉斯言。不可踰已。陽山處南荒。得韓子來令。而孔道大明。雖其孔子廟未獲。韓子為之碑。而上下咸體。韓子意興。葺以時具美。而脩祀事之盛。與碑文合。竊謂孔子之德。而何賴廟哉。廟也者。都人士觀型之具也。孔子以德廟祀天下。而天下皆觀孔子。廟以成其德。廟隆德隆。廟替德替。然則修廟為修其德也。不然孔子之德。而何賴廟哉。廟蓋在縣治東門外。創於明知縣潘俊。因於何以信石於李。黜陶瓦於王珉。踵事於胡文亨。周音盛傑。余悅李廷贊。陳洪範。張襄。趙文正。鄭梓。曾守魯。王明選。及教諭馮名望。

國朝知縣郭升新之。熊兆師增之。裴振李應上苑王有年繼之。至道光二十五年。素銘泰復脩之。明年倪森落之。是皆以新其德者。歟。都人士可以風矣。謹記。



浙 江 圖 書 館

楓嶺補種楓樹記

楓嶺補種楓樹記代

浙江督學使者署在省城西南城中雲居山之楓嶺向之嶺故多
楓。形家言楓嶺為學署屏障以楓樹之茂卜人文之盛。而楓歲久
多凋落。不中形家法。邦人士以補植請於使者。使者曰。爾邦人士
生文教昌明之日。當勤學立品。培其根柢。蕃其枝葉。干雲霄。露而
露。上蒼。聖天子作人雅化。不當委權形家。以自隳振拔之志也。
雖然。使者攷諸詩。小雅曰。菁菁者莪。在彼中阿。既見君子。樂且有
儀。毛傳。君子能長育人材。如阿之長莪菁菁。然。大雅曰。芄芄。棫樸
薪之。樵之。濟。辟王。左右趣之。毛傳。山木茂盛。萬民得而薪之。賢
人衆多。國家得用。蓋才材一也。會試屋傾。邦人士捐貲。脩葺既成。
即以餘貲補植楓一百十四樹。管子曰。十年之計樹木。百年之計

順投為入比投不釋解

鄭氏解順投為矢本入。解比投為不拾。讀若筵更也。拾投謂賓主黨更遞而投。比頻也。王制比年一小聘。謂頻年。比投謂不更遞而頻投。頻投雖入。司射不為釋筭。與順投截然二事。後儒因之。竊釋經文。二語當為一事。不當為二事。下文左右告矢具。請拾投矣。此節先有比投不釋之告。則下文為贅語。謹按周禮攷工記。矢人為矢。夾其陰陽以設其比。夾其比以設其羽。鄭司農注。比謂括也。釋名。矢末曰括。順投解為矢本入。比投當解為矢末入。如是則順投之義始暢。而拾投之義亦不復。孔氏陳氏解順投為入。皆有若矢以末入。則不名為入。亦不為之釋。莫語。是明知經義未暢。而不悟比投之請。實礙拾投也。

此以殊之書聲錄其好也

夫以未入限不為錄入在不在之辨其意與此殊美其辨而不

殊之善故辨以錄其之善亦不

辨以天未入限則其錄為之本

高天未其善則以錄其之善其

此有夫育其錄不辨之善限不

辨錄以二善當為一本不當為

而錄其錄其錄入自錄不為辨

主黨更錄其錄其錄其錄其錄

復力錄其錄其錄其錄其錄其

則其錄其錄其錄其錄其錄其

館

書

圖

江

浙

藝虫始振解

蟄虫始振解

秦事：革古法獨節候不革。漢事事復古法獨節候不復。月令曰：孟春之月蟄虫始振。又仲春之月蟄虫咸動。鄭氏曰：振動也。夏小正曰：正月啟蟄。漢始亦以驚蟄為正月中。月令為秦書。夏商周秦皆以驚蟄為正月中。氣故月令與夏小正合。改為二月節者，自劉歆三統歷始。三統歷云：正月節立春，雨水。中二月節驚蟄，春分。中。班氏律歷志因之。劉歆居前漢末，鄭氏居後漢末。漢初尚承秦法。故曰亦以驚蟄為正月中也。但蟄虫正月始驚，二月大驚，移入二月亦無不通。故後世未之有改。爾。

新安戴氏支譜書後

熙生三十六年矣。生熙之前一載。先大父潤亭公始修遷杭續譜。續譜者。續休甯譜也。忠恭公二十二世堯天公。修休甯譜。以貽二十四世一美公。一美公遷杭近二百年。未有譜。先大父始續之。自一美公始。列譜者凡九世。譜成而熙遠生。熙之名得與焉。熙蓋一美公八世孫也。先大父之言曰。某也孤。不能周知先世之完節。獨行嘉言懿矩。苟并此支派世系。不傳諸後。某之罪滋重。時大人侍先大父校字。聞是言。遂有網羅舊說。蒼萃群書。上溯續譜之源。而下導其流。旁通其支。又求先世之潛德而發之。以成吾浙全書之志。家故有一美公所遺休甯譜一書。又復採訪遺編。購鈔而藏。以備掌故。既乃得雙溪譜一卷。譜為忠恭公三十世孫源述。大人與

源同忠恭公十七世本一公而先代世次特與休甯譜不同休甯
譜忠恭公傳顏公顏傳處公處傳福興公福興一名圓福興傳伯
恭公雙溪譜乃云福興傳圓公圓傳伯恭公下云休甯譜少一世
又雙溪譜煥公傳文鑑公文鑑傳泗公文鑑有三弟曰文鈞文鈞
文鑑休甯譜但云煥公傳泗公文鑑兄弟四人悉無有是雙溪又
譜又多一世下皆有字有生卒年分有葬地惟圓公^位有字有葬地
無生卒年分大人以示熙熙按伯恭公始生福興公方二十六歲
二十六歲即有孫疑之文鑑公傳泗公泗字文瀾不諱文又疑之
願不能斥其非是著譜首世次世次紊何他之足云乃中輟久之
嘉興培成小松先生以瑤溪譜來示大人亟披之小松與大人自
忠恭公三世而已分無可證又久之乃得湖州銓衡三先生新安

支譜。衡三亦出本一公。大人本一公。十四世孫衡三。乃十六世孫。大人又亟披之。則福興公亦傳伯參公。而文鑑實泗公原名也。休甯譜失之。略雙溪譜失之。支不支。不略。惟新安支譜。且夫著書莫要於體例。族譜體例。莫要於明世次。而尤貴述先人之德。衡三之書。凡四卷。首恩綸。次旌表。次省府縣志。次宗塋。次墓祭。議約。次祠堂紀畧。次遺像。次支系。次世經人緯。次總支。次吳興支系。次補遺。次傳略。博搜精核。次第森然。實為諸譜之冠。大人固有繼先。大父遷杭。續譜網羅。舊說蒼萃。群書上溯。續譜之源。而下導其流。旁通其支。又求先人之潛德。而發之。以成吾浙全書之志。特世次不明。而中輟。今休甯譜。雙溪譜。遷杭續譜。具在。瑤溪譜。又略具。顛末而新安支譜。復能明世次。述先人之德。如此。若踵其體例。滙為全

書由杭州暨湖州暨嘉興以上溯休甯雙溪而吾浙一姓之文獻
可以備矣。獨是先人言行傳者蓋寡。而熙又謗陋無聞。雖竭其才
加尚。忍不能如衡三所著之精且博。况又落落終日。不獲衡三之
力勤而志果。自問未克體大人之志。以終我先大父之志者三十
六年於茲。今淨衡三之書讀而慕之。而愧之。而奮其庶幾體大人
之志而終先大父之志。以成熙之志也。夫道光十六年三月本一
公十五世孫熙謹書後。

浙

江

南阡訪碣圖書後

明中丞金學曾吾鄉人。墓故在郭外丁婆嶺。越二百年。子孫誤以
三台嶽廟金孝子墓為公墓。公同姓君森。攷後之得著記繪圖以傳。
又博採公事迹載于冊。熙今年夏奔喪歸里。獲識金君。君出示伏
觀。再四作而嘆曰。嗚呼。古今人不相及其信然耶。公之偉行多矣。
揭權相賑饑。氓平倭寇。不可更僕數。熙但觀公為郎時。命督楚學。
公遽乞省親。出都門。抵家。母疾方革。竟得親視。含斂一事。不禁掩
冊而痛也。熙通籍纔三載。為詞臣錄。無所表見。朝廷方肅清。
年穀順成。蠻夷賓服。公生平所為。無論無其識。與其學。即有之。亦
無所用。乃至親臨母喪。亦勿能及。豈不痛哉。熙之奉先。太恭人之
也。我父先有手示。謂微疾不足慮。我固疑我父。恐我憂之深。而

書蔡鹿賓集帖後

畫書之餘也。士人束髮就傅，即執筆作字，未有棄點畫，勿習專其力於皴染者。故能畫者，必先能書。而工畫者，無不工書。若夫工人小史，供徭給役，給使令，則摹物象，布彩色，獨從事畫。善學畫者，必先學書。故善鑒畫者，必先鑒書。從書之闕，紐透入于畫，則畫得士夫氣，迥異工人小史。供徭給使令之所為。石門蔡鹿賓先生集畫家書，凡百數十家，壽諸貞珉，可謂深得畫理者矣。世之墨本者，皆曰此臨池之助也。余竊以研為研，朱合綠之譜。

浙

館

書

圖

江

浙

舊曰此書所之... 畫本書凡百卷... 夫學書始者... 小史辨... 畫書之始... 畫本... 畫書...

書藝其數點梅花室圖後

書蔡某數點梅花室圖後

南宋翁森著四時讀書樂詩。其卒章有曰：數點梅花天地心者。謂即物而悟也。按古書傳言梅及其花者。惟詩山有嘉卉。侯栗侯梅。與大戴禮夏小正正月梅杏柰桃始華而已。學莫盛於三代而略梅。似下帷著書。不當涉園林。栽卉木以荒其業。然攷之文學。古作數從教。上所施。下所效也。數覺悟也。古教學字不分。故兌命曰學學半。學兼覺效二義。而以覺悟為學字。卒義學之悟。有離物而悟者。有即物而悟者。孔子於天地曰天行健。君子以自彊不息。地勢坤。君子以厚德載物。於山川曰仁者樂山。知者樂水。于植物曰歲寒然後知松柏之後彫。於動物曰山梁雌雉。時哉時哉。乾坤之內。宇宙以來。無一物不可覺悟。即無覺悟非學。梅蓋其一焉。若是

則蔡子以翁森詩句名其讀書之室。可謂知學也已。

翁森詩句名其讀書之室。可謂知學也已。

館

書

圖

江

浙

楊清白先生行乞圖跋

楊渚白先生行乞圖跋

觀是圖者曰楊先生乞人耶余曰非乞人世之求富貴利達者真
乞先生超富貴利達之外何乞然則何困乎乞曰夫世之求富貴
利達皆兆于畏乞之一念畏為乞人竟為乞人方且我其冠而博
其帶曰我非乞人也諱其乞者也先不^如畏乞故不諱乞方且見其
肘而決其踵曰我乞人也寓於乞者也然則何寓於乞曰彼我冠
博帶而不免為乞人其乞苦此見肘決踵不過為乞人其乞樂世
苟去苦而就樂焉庶幾乎近道也哉是先生風世之意也

浙

館

書

圖

江

浙

Vertical columns of faint, mostly illegible text, likely bleed-through from the reverse side of the page.

謝能白先生行狀圖

贈按察使姚公手迹贊有叙

贈按察使姚公手迹贊

有錄

公名懷祥字履堂福建侯官人嘉慶戊寅科舉人
大挑一等分發浙江歷任象山龍游嶧三縣知縣道光二十年任定海五月任定海縣知縣六月英吉利寇定海公登舶諭以大義不聽退守城城陷死之事聞贈臬使謝君蘭生藏其道光乙未科鄉試克同考官時藍筆書王智興逸事一紙見示謹贊其詞曰

維清純忠姓元德隸籍於閩來令我浙煌煌賢書高振六翮一麾出守循聲遂集若々墨綬疊領三邑大吏倚賴老手便劇昔在鎖院親秉玉尺考校餘閒解衣岸幘拂箋滌硯朱章靛筆慕公成就遂躋球璧神呵鬼護金檢玉冊成就伊何瀛壖于役強禦猝振講畫順逆力摧鋒刃氣回矢石事去身殉英亡神格不矜不矯蹈

肇羅兵備道柳溪王公像贊

帝撫南陸。王公來綏。允文允武。有猷有為。天秉質直。力任胼胝。庶
頑立懦。敷惠宣慈。民脫佩劍。士啓講帷。既衽以席。乃父而師。久于
其任。欣戚同之。羣黎疾苦。若在四支。蜿蜓羶峽。滇黔之絡。西江湯
湯。悍不受縛。閭閻鱗比。阡陌交錯。數承彼流。遂為所壑。維公奮興。
衆力成作。百里保障。十稔營度。銅隄馮々。水田漠々。五風十雨。春
耕秋穫。億兆編氓。醫翳無異情。上貽樂利。下就光明。歡忭鼓舞。和
親康平。乃審厥象。匪偽以誠。載披殊表。嶽々。觥々。落落難合。有志
竟成。東都之俊。朱方之英。職任揚清。用倡頌聲。

考校四箴并序

余校身士夥已斂心自忖盖有四病輒效昌黎五箴為考校四箴
書而揭于座庶幾其有瘳乎

閣箴

館

踵嗟賞而和諸後目胡寄乎人口承指摘而證諸右目胡役乎人
手如水則清不沙焉澄如鏡則明不汞焉精晶眎也茫心塵翳汝
睚思也俚心泚渙汝顙嗚呼泚而其覆車之軌而

辟箴

負類之珠懸綆而誅磨瑕之璧拔劍而辜
慕何惡莫知其故物辟則傾人辟則爭汝不能平而望人之平汝
烏乎人情

狃箴

昔試於有司。汝勤是而多。非今也。試士汝何勤。非而多是。莫奇於胸。盍觀其通。莫幻于面。盍察其變。疾驅疾驅。毋守汝迂。

矯箴

謂繫為酉。謂墳為麓。謂蒜為萎。謂茶為飴。汝非不知。將以為欺。汝非不疑。恐人之汝窺。宜取而棄。人或以為忌。宜棄而不棄。人且以為底。底也何思。忌也何讎。汝不自羞。何懟乎人。尤

浙

良否有知者。輒以問。由是投贈日至。求售者踵相接於門。而余硯遂夥。大小以百數。佳者亦十餘。誠之者曰。玩物喪志。今子惟硯是愛。得毋喪子之志。對曰。人必先自喪其志。後見端於物。苟其不喪。物烏能為。且夫硯之為物。溫而潤。廉而不剝。其德比玉焉。余方以之勵余志。而何喪之云。又曰。昔周濂溪提點廣南東路刑獄。請凡為仕者。買硯不得過二枚。著為令。子蓄硯以百數。得毋非周子之意。對曰。時杜詔知端州。禁民採石。而自取焉。號為杜萬石。周惡其奪民利。故有是請。今既弛采之禁。端之石塞衢巷。居硯者惟恐其不售。於是時購而藏之。謂通民利。則有之。奪民利。則未也。不得謂非周子意。又曰。韋承慶左遷高要尉。有餽紫硯者。置案上。歲起辰州刺史。復以還之。色孝肅。知端州。秩滿。有一硯投於羚羊峽。口馬晞。

刺史復以還之色孝肅知端州秩滿有一硯投於嶺羊峽曰馬蹄

驥判肇慶府以潛以竒硯獻者謝曰此亦長物也然則三君子不
足法歟對曰三君子誠足法然其足法者不在是也法三子君子
僅法其不蓄硯不得謂之善法三君子有廉吏焉政事禱於地德
澤遺于人不可干以私一如三君子檢其篋有硯存將謂是非三
君子耶有貪吏焉政事無禱於地德澤不遺於人可干以私大異
三君子獨終其身不知硯為何物檢其篋無一硯存將謂是人即
三君子耶何其迂也雖然蓄硯徒辨其良否而已藏之而已玩弄
之而已是以常物蓄之而已烏覩所謂德蓄之必用之苟蓄而無
所用用而不得所當用則余愛硯硯必不余愛豈不大可愧哉

浙 江 圖 書 館
 此 書 係 由 浙 江 省 圖 書 館 購 得 之 珍 貴 文 獻 現 已 入 藏 館 中 供 諸 君 閱 覽 之 用 凡 欲 借 閱 者 請 向 本 館 洽 詢 為 荷
 此 書 之 內 容 極 其 廣 博 且 具 有 極 高 之 學 術 價 值 誠 為 研 究 本 學 科 者 必 不 可 缺 之 讀 物 也 茲 特 將 其 大 概 之 內 容 列 於 左 下 以 便 諸 君 之 選 擇
 一 論 本 學 科 之 概 況 二 論 本 學 科 之 發 展 三 論 本 學 科 之 現 狀 四 論 本 學 科 之 未 來 五 論 本 學 科 之 研 究 方 法 六 論 本 學 科 之 研 究 成 果 七 論 本 學 科 之 研 究 意 義 八 論 本 學 科 之 研 究 難 題 九 論 本 學 科 之 研 究 前 景 十 論 本 學 科 之 研 究 結 論
 此 書 之 內 容 極 其 廣 博 且 具 有 極 高 之 學 術 價 值 誠 為 研 究 本 學 科 者 必 不 可 缺 之 讀 物 也 茲 特 將 其 大 概 之 內 容 列 於 左 下 以 便 諸 君 之 選 擇
 一 論 本 學 科 之 概 況 二 論 本 學 科 之 發 展 三 論 本 學 科 之 現 狀 四 論 本 學 科 之 未 來 五 論 本 學 科 之 研 究 方 法 六 論 本 學 科 之 研 究 成 果 七 論 本 學 科 之 研 究 意 義 八 論 本 學 科 之 研 究 難 題 九 論 本 學 科 之 研 究 前 景 十 論 本 學 科 之 研 究 結 論

夢易說

曹子伯。嘗夢失珠。入坎。得一冊。曰霹靂開天圖。甫誦而蜥蜴齧其腦。以寤。乃著夢易賦。繪圖索說于僕。請詳曹子之言。而繫之說。曹子曰。霹靂開天圖者。上帝祕藏之真易。竊獨謂上帝無易。許說文曰。劈。歷。振物。劈。歷。天。用。以。振。物。者。也。天。開。霹。靂。霹。靂。烏。能。開。天。顧其名。乃與榮氏遁甲開山圖類。或亦識緯之書歟。要非易也。曹子曰。蜥易龍屬。故以之假借易象字。竊獨不然。易雖假借蜥蜴。實與蜥蜴無涉。若因其能化龍。故取之。則不如言龍。且象象非龍屬。亦假借曹子夢。蜥蜴蓋不足為焚。為證。曹子又曰。書教十筮。蜥蜴千餘頭。守之。又曰。蜥蜴自下而上。欲監其腦。竊獨謂曹子所夢。并非蜥蜴。爾雅曰。蝮。蜥。蜴。蜥。蜴。蜥。蜴。守宮也。孔疏云。云一物。

形狀相類。既一物矣。形類有不相類者哉。相類非一物也。當云四物。形狀相類。而四名。孔疏又云。在草澤者。蝶。螭。蜥。蜴。在壁。上者。蝮。蛭。守宮之類。然則。鑿然二物矣。今曹子所夢。能守書。蓋人是。蝮。蛭。守宮之類。非。蝶。螭。蜥。蜴之類。曹子精于易。而博於物。因所思。結為夢。曹子之所尚。可知。已使曹子能絕去其說。吳附會之說。出其坎求其所謂。珠者。則曹子進于夢矣。而曹子亦庶幾于無夢。

大

口

氣

狀

也

人

自

心

志

注

山

天

噴

曹

子

曰

雲

霧

雨

天

帝

神

真

靈

附

會

以

帝

其

謂

以

深

入

夢

者

謂

之

謂

之

謂

之

謂

之

曹

子

曰

雲

霧

雨

天

帝

神

真

靈

附

會

以

帝

曹

子

曰

雲

霧

雨

天

帝

神

真

靈

附

會

曹

子

曰

雲

霧

雨

天

帝

神

真

靈

附

會

以

雷說

客說雷曰天胡為有雷余曰天有雷猶有風雨霜雲霧霜露天有風雨雲霧霜露之故古之人皆有說以為不足知其故而他求則風雨雲霧霜露不易知獨雷乎哉曰以若所言則風雨雲霧霜露雷一也何以風雨雲霧霜露不殺人雷殺人曰人或風眩死雨溼死受雲霧霜露之氣死是數者皆足殺人獨雷殺人乎哉曰有兩于此一為善一為惡使之風眩雨溼霜露之氣均則死亦必均以雷殺人不殺善殺惡曰殺同所以殺不同風雨雲霧霜露不擇人而殺者也可避也其不克避者正命也殺於雷非正命也雷殺擇人曰雷何以能擇人曰風雨雲霧霜露之隸天猶百官之隸天子各有司雷司賞罰者也天因材而篤故栽者培傾者覆雷亦因

材而篤故善者生不善者殺子又何惑焉曰若是則惑滋甚夫古
今大奸極惡衆矣其甚者則殺父君與君未聞雷一一誅之乃擇
其惡不至於弑父與君者塞責焉是懦也且夫山何惡而崩之木
何惡而斃之室廬何惡而發之鳥獸昆蟲何惡而殺之是又暴也
今有人無故殺犬羊毀器皿又有人見小過則戮見大過釋而謝
之世不以為狂必以為謬雷之忽懦忽暴如此天乃以司賞罰何
也曰然則如之何曰皆非也雷破積陰者陽乘陰而升為雷象一
陽居二陰之下秋冬無雷陽伏也西北無雷陰凝也是故雷之法
遇積陰則破遇人人破遇物物破善陽惡陰是故破人多破惡大
惡何以有不破曰惡之中又有陰陽天之誅陽惡必以陰其誅陰
惡必以陽此自然之勢也雷陽也故陰惡雖小破陽惡雖大不破

陰惡必破乎曰不可如過則破何以有不過曰雷之為物其體光

惡必以陽此自然之勢也雷陽也故陰惡歸小破陽惡歸大不破

陰惡必破乎曰不可遇則破何以有不遇曰雷之為物其體光明其氣剛直其集事精神而勇決遇生氣則遇死氣則殺務盡乎其加之所及者而止所不及者亦還諸造物而已蓋其性然也人之惡多於天之誅惡亦多於雷有所不及遂疑天有佚罰焉此知雷而不知天者也余曰然

浙江圖書

道元二十一和英吉刺的刺率紅夷黑夷編定海鎮海入寧波府

書二忠

浙江圖書館



浙江圖書館

書二忠

道光二十一年英吉利白夷率紅夷黑夷陷定海鎮海入寧波府諸夷皆嗜牛所至掠耕牛為糧有紅夷方屠牛羣牛次第受屠一牛獨奮然突起角出紅夷臙奔救者創十餘輩莫能勝於是列陣排銃與牛戰牛乃死明年陷乍浦有白夷酋乘馬率夷旅登陸沿江行入海鹽界之白沃廟馬忽顛墮首騰首上夷旅潰遂不復至馬亦夷掠得者客來告戴先生皆曰二畜勇或曰智戴先生曰之二畜國畜也嗚呼忠矣

浙江

二書 囑囑 咄咄 咄咄 咄咄

思亦美 林 咄咄 咄咄 咄咄 咄咄

心林人 我 咄咄 咄咄 咄咄 咄咄

林 咄咄 咄咄 咄咄 咄咄 咄咄

半 咄咄 咄咄 咄咄 咄咄 咄咄

論 咄咄 咄咄 咄咄 咄咄 咄咄

董 咄咄 咄咄 咄咄 咄咄 咄咄

書二出

浙 江 圖 書 館

北錢神文
見一皮...
物然而黑...
若如...
...

叱錢神文

郭西先生。繼武市廛。覩一破錢。窪然而薄。黝然而黑。蟠屈若玦。雜廁瓦埴。頽而哀之。曰。嘻。爾何億耶。燄。洪爐。鑠金范模。度量規矩。斟酌錙銖。連朋逐醜。吹苑噓枯。朝秦暮越。電驟風驅。疲骨竭數。厭棄屠沽。一旦瓦裂。辱諸泥塗。主人飽而嬉。棄尔如遺。主人燠而舞。委爾於土。嗚呼。錢乎。無乃愚乎。哀哉。哀既來歸。神謁于寐。且曰。若愚我。若亦知我。為黠梟乎。不翼而飛。毋出子歸。不口而辯。剖毫辨釐。不媚而愛。我佩子戴。不利而殺。弩張劍拔。若見貪夫。怒張嶽。觥。有饋于庭。倒屣下林。倨膺恭肱。我傀儡。其後。嗇夫瑣。被華餐。或貸其廬。扉鍵戶鎖。哀。裹外。篋。我。柳。揄。其。後。篋。彼。廉。在。官。餌。判。弭。彈。偵。彼。昏。暮。毀。枝。而。刺。我。乃。據。其。密。誘。其。暱。伺。敗。則。逸。彼。豪。

在。祇。弋。譽。售。望。嘗。彼。道。側。結。瘵。而。囊。我。乃。惰。其。孳。驕。其。雖。何。便。則。
徂。且。夫。白。不。涅。不。昭。其。潔。堅。不。磷。乃。益。其。貞。造。物。之。陶。甄。悶。醇。
醇。不。過。我。神。烏。能。扶。彼。真。遠。然。而。完。遠。然。而。破。功。成。不。居。歸。乎。大。
化。何。億。是。訝。哉。先。生。怒。而。叱。曰。大。古。混。混。爾。盪。混。沌。盪。燭。良。莠。眾。
惑。之。門。天。既。裂。爾。腹。行。赤。爾。族。爾。猶。怙。其。惡。語。未。已。悖。而。省。省。而。
自。訛。曰。遁。詞。哉。余。之。強。顏。也。神。乎。神。乎。吾。將。以。為。監。

浙 江

書丁烈婦事

道光丁未孟冬。邵子懿辰著丁烈婦傳以示某。翼日又讀曾子國藩烈婦墓表。某因稔知烈婦事而書以志焉。烈婦姓周氏。浙山陰人。年十九嫁同縣丁天相。有子二人。順治三年。天相商于杭。大清兵南下。土寇起。入烈婦村。烈婦知不免。托兩兒族人歸其父。自出門溺。賊援出之。三出三溺。死蠶豆橋下。死時年二十七。天相聞變。渡江歸。視斂。值大暑。尸逾三日不變。瘞橋下。天相遂挾兩兒遷杭。烈婦之死。世無知者。獨村人立石志死處而已。縣學生可學者。烈婦孫也。以乾隆十八年請旌於朝。又以官封為安人。道光二十六年。嗣孫士元又以庶常告歸。修其墓。具略乞京師達官表之。蓋上距烈婦死二百年而名乃顯。曾子之言曰。死須臾事也。當世

籍。聲施者。或敗於須臾。而烈婦不且久常已乎。戴子曰。死非須臾事也。烈婦事姑。刺指血療姑疾。徧刺十指。疾竟起。茲非其有所積。而然與。夫無所積。而求不敗於須臾。與積不厚。而徒以須臾獲久長者。世未始有也。觀烈婦可見矣。邵子以為知言。

圖

出。所。謂。類。對。出。之。二。出。三。兩。出。並。不。成。其。五。二。十。天。賦。間。前。其。南。下。土。家。人。賦。林。原。江。味。不。成。其。西。里。對。人。觀。其。又。自。八。年。十。六。數。同。然。下。天。賦。育。于。浙。入。則。於。三。年。天。賦。高。于。味。大。蓋。然。秋。暮。春。若。因。餘。味。原。秋。書。而。書。以。志。氣。原。秋。秋。風。力。而。山。對。並。失。下。未。至。冬。始。七。鐘。風。善。下。天。賦。秋。以。示。其。變。日。又。藝。曾。于。國。

書下原秋事

四羅提督軼事

羅提督軼事

羅提督思舉少無賴。行江湄。聞江上有盜舟。穴舟上。鎔錫灌殺舟中客。劫者即詐為客。賃盜舟入舟中。卧潛易卧處。伺錫入穴。則兵出穴刺殺盜。遂為盜偕。教伍入豪家劫。伍欲亂。豪女羅禁之。不可斷。伍頭亡命。教匪起。官兵相與持。賊遁山上。積所劫掠成阜。羅詣軍門。請燒之。主將不省。羅夜獨上山。燒其積。潰賊萬餘人。以功敘官。洊至湖南。提督為撫鎮時。有旨以他鎮代。時羅適擁兵在外。代者即佩其印。羅歸大罵不曉事。當席前批代者類。徭匪踪。湖南上命大臣督師。大臣尊貴。與制軍語。數云問羅思舉。羅立門外。聞之。入罵曰。某名。惟上呼之。若何人。敢呼某出身為盜。嗜殺人。且罵。且拔佩刀。大臣走。制軍為謝。乃已。然自是大臣不敢輕羅卒。

倚以平。猺平時好製軍械，多巧思，自製一弩，能斂入韉，發彈遠倍常弩。數以夸座客，座客神其弩，輒大喜。大府有獐狗，重百餘斤，人莫敢近。羅飲大府醉，蒙貂裘，真前叱狗，狗驚斃，其氣自喜，類然。後英吉利擾海口，諸將多無功，東南人每思羅道羅轍事而羅死矣。



浙江圖

書二犬

丁未之春。余寓居宣武城外。繩匠衙之南。余女之歸吳氏者。寓其北。相望也。女數來省余。一日攜乳犬來。而飼之日壯。以大。是歲夏。余女死。余對犬。悽然。犬亦若甚悲者。尋不食。五日亦死。北鄰趙氏者。畜三犬。趙氏選官去。程氏來。居一月。程氏又他徙。余移居焉。三犬出迎。余甚暱也。守余戶尤嚴。一夕。余私忖曰。身乃獨居。而三犬環不己。泰乎。明日。一犬亡。入程氏。招之不來。汎汎若。不識相識者之二犬。一死。一去。偶然耶。不偶然耶。或者曰。之二犬。動於天者也。噫。彼犬也。亦有天也耶。

浙

記夢

熙之夢先考妣也。若舊創之遇陰雨而發者。時或數月不得一夢。或一夕一夢。一夕數夢。所夢多侍奉恒狀。不知其歿也。或夢歿。則哀痛以覺。道光二十七年十二月初三日嚮晨。在京師寓室。夢家人出生先考妣於壙。而復生者輿歸如平生。父坐堂上。熙兄弟侍側。父曰。我葬得地。宜爾輩皆長養無疾病。某之家。葬親後。其子孫皆落地弗善歟。詞若疑而問者。皆對曰。唯。入室見母。默不語。貌若新瘡。熙問曰。母歿十年矣。歿後有知耶。無知耶。母曰。無知。若寐爾。仰見母髮。訖曰。人死不老耶。當時常疑母髮何遽白。今兒髮乃白於母。母曰。我行動尚健。坐則腰背痛。不如昔矣。因視母座。乃疊被為褥以坐。二姊在側曰。此坐不適爾。手揭起被。見被下多龍眼。

及他雜果。纍纍然滿地。以覺是夢也。不以為歿而哀痛。且以為復
 生。而喜何妄也。然當其夢也。無父而復有父。無母而復有母。灼
 然自謂不妄也。嗚呼。奈何而覺也。

書圖江浙

蜀石經毛詩殘本跋

蜀石經毛詩殘本。非毛詩善本也。然不得謂非毛詩別本。蜀石經。宋晁公武有石經攷異。張奐有石經注文攷異。其書皆未見。此毛詩殘本。止卷半。與今本頗異。國朝嚴氏杰有蜀石殘本毛詩攷證。寓中亦無此書。惟王侍郎昶金石萃編。列其異數百條。謂時孫逢吉為博士。而譌舛。竟至如許儀徵相國阮氏十三經注疏校勘記。經注本第一論列此碑。謂或羨或脫。或不同。皆無足取。然如經文江有記之子歸。皆作之子于歸。見足利本。何彼穠矣。肅雖作肅雍。見文選注。五十七。初學記十。柏舟以教以遊。作以遨。見釋文。雄雉泄。其羽作洩。蓋避諱。見唐石經。匏有苦葉。濟盈不濡軌。作濡軌。釋文云。凡聲宜音犯。雖。鳴鴈亦見唐石經。谷風。宴爾新昏。

作燕爾。見釋文。又見足利本。毋逝我梁。毋發我筍。作無。釋文有無。
發我筍文。蓋初唐本如是。靜如說。懌女美。作悅懌。亦見釋文也。至
序傳箋。衍文缺文。或古未定本。未必皆羨字。脫字。序江有汜。嫡亦
自悔也。作者也。玩文義。當有者字。簡兮。伶官。作冷。釋文本作冷。或
作伶。傳行露。純帛。作紉帛。本作紉。見釋文。柏舟。愠怒也。作怨也。與
正義引說文本合。凱風。校宋本多棘。難長。養者五字。與正義合。箋
甘棠。不重煩勞。作重煩勞。重讀去聲。與司相如傳合。至王氏謂北
門。誤作出門。今碑文作北門。甚明。阮氏謂不以角。乃以味。味乃味
之譌。今碑文作味字。亦甚明。此所謂不善不如是之甚者也。學者
存為毛詩別本。亦以資參訂。用敢置其瑕而表其瑜。

潘星齋畫品跋

天地間以為物最幻。物以畫為最幻。雜豪楮水墨青紅金粉于其
前。以貌天地間物。貌有形之物。亦貌無形之物。絕非其物也。而無
物非物。是果有物也耶。幻哉畫也。今星齋倣司空圖詩品著十二
畫品。則又以天地間有形之色與無形之物。以轉而貌畫。絕非畫
也。而畫之幻境。畫之幻情。無不於品傳之。取天下之至幻。以貌天
下之至如而自成一幻。斯亦奇矣。蓋天下非靈不幻。造化靈物故幻。
畫貌造化故靈。故幻。今畫品又貌畫。故亦靈。故幻。

牧牛圖跋

東坡先生祈雪霧諸泉詩。歲晏風日暝。人牛相對閒。施司諫注。引果州清居和尚述牧牛圖。第十章。露地白牛安眠。牧者禪寂。地第十一章。牛亾而鞭箠尚在。第十二章。人牛俱亾。施注本。刊宋嘉泰間。則牧牛圖由來舊已。童時先大夫假畊心和尚藏本。命予圖錄此事。垂四十年。今夏病瘡。僵卧累月。忽悟此圖與氏求放心之旨合。聖經知止節。魯論志學章。均與此圖大意相類。徧索舊稿。竟失之。曹葛民藏淨意軒刻蓮大師原本。以示予。恍睹童時取圖錄者。因重撫一本。壽諸梓。察予書者。兒子有恆。助予朽畫者。猶子以恆也。

以對也

疑法因重翻一本善於辨察不館

竟元之曹葛月滿戰意陳隆勳

之百合望點味土朝善命志

拙書垂四十平今夏五

問限於半圖由來

十一章半出而辨蓋尚

果州散武味出並想半圖

東姓夫主休雪察訪泉

知本圖

誌

館

書

圖

江

浙

祭姪文

祭姪文

祭姪文

年月日姪孫兆文兆魁將舉止姪例授修職佐郎候選鹽知事履
祥之殯功服并熙銜哀製誄貽爾外弟某致祭於爾之靈曰嗚呼
自爾初生即異羣兒誠摯之性厚重其姿少余六歲出入扶持同
就外傳愛若墳麓至於成人未始睽離荏苒者歲日月何駛爰娶
爾婦亦既有子忽々成行爾親則喜壬辰之春余入京師爾即遘
疾屢瀕于危遷延兩歲竟不可為聞爾大漸呻吟不止謂我父母
我怙我恃父母生我二十八祀我無兄弟一妹一姊棄父母歿惟
我而已我視妻帑輕若敝屣獨我之身不可以死我不可死速拯
我起嗚呼噫嘻拯尔者誰天不可信命不可知爾之純孝竟至于
斯爰告爾靈聽余慰詞爾女媵々爾嗣崑々能隨尔婦侍奉盤匱

家農南公行狀

公諱永植。字于庭。號農南。湖州歸安人。先世徽州休寧人。始祖諱安。仕南唐為光祿大夫。謚忠恭。曾祖諱珩。祖諱為轍。考諱浩。皆隱居不仕。公祖始遷湖州。考生四子。長永樸。次永樹。次永梅。又次即公。公四歲遭父喪。事汪太孺人。盡孝。家貧。勤于學。從姊夫烏程張太史映斗遊。年十九。應歸安童試。時新城何端簡公。以御史視浙江學。拔公於稠人中。凡十三試。而藝益進。目為國士。壬子舉於鄉。三應會試。無知公者。乾隆建元。詔舉博學鴻詞。公膺禮部侍郎。膠州王公鉉薦。同時湖州被薦者六人。沈澗孫見龍。嚴遂成。沈炳謙。孫貽年。暨公。廷試又被落。旋充咸安宮教習。未滿期。聞太孺人病。棄歸。服闋復充。選陝西鳳縣知縣。以誑誤削職。公為諸生時。即

走四方為養親計。至是益貧。惟葛禦冬。而吟誦不輟。久之復起為
湖南龍陽縣知縣。歷署寶慶府理彊同知。武岡州知州事。晚就紹
興府餘姚縣教諭。乾隆三十二年二月二十六日卒於任。年六十
三。葬堂子麓。公狀貌魁岸。所至有威德。龍陽瀆洞庭。行舟多覆溺
者。風起。公即遣役四出拯之。全活甚衆。冬至例給獄囚棉衣。輕繫
者不與。公曰。凍非其罪。創意悉給之。囚感泣。或叩頭流血。武岡俗
故悍。公至鞠十三案。皆得情。豪右屏息。其智略類如此。公於讀書
自六經。左史。秦漢。魏晉。唐宋以下。殘編蠹簡。靡所不究。少耽吟咏。
有一匝孤城。半夕陽。一匹鷺。鴛漁夕陽之句。世稱戴夕陽者。即公。
晚訂汀風閣集十卷。長洲沈尚書德潛。比之少陵。錢唐袁翰林枚。
為之序。公衡文有特識。少即佐兵部侍郎凌公。如煥。視學湖南。壬

為之序公衛文有特識少即佐兵部侍郎凌公如煥視學湖南士

子後鄰省聘為試鄉試同考官壬午鄉科分校楚闈有段永孝者
湘江名士搜得之一省皆服配鄭孺人子文默早世永樸子文然
嗣文默遺孫培元又早世文默配吳培元配陳俱守節請旌培
元嗣子鼎鑾孫學詩嗚呼農南公與族祖也熙生也晚不克親爰
公之純德邃學猶得讀公遺書以彷彿公生平自熙而後綿延
日去日遠其能知公者幾何哉夫賢士大夫清芬傳之永年
代而無窮者非嘉言懿行自能不朽于斯世亦其後裔稱述勿衰
之有以致之也然則熙烏可默耶請條其所及知者以告我族
人謹狀

浙

朝議大夫陸徵君暨梁太恭人合葬墓誌銘

今上御極道光元年詔徵孝廉方正之士粵東撫軍採訪得侯
選訓導信宜陸君以應詔君時居父憂未與名賜試賜六
品銜十三年正月十二日疾終里第春秋六十有八以子貴贈朝
議大夫君之歿也族黨戚友咸泣下稱曰孝惠先生十八年以來
視學校士得滋生滋畹又五年復來得滋榮三生皆君孫行又二
年熙官京師君次子工部主事敏務因造寓廬以銘幽請不敢固
辭謹按狀君諱德臧字孚邦心奮其號姓陸氏先世自閩遷粵有
秉鐸信宜者遂家焉曾祖聖理大學生贈脩職郎隱德不耀祖璠
恩貢生普寧縣教諭請祀鄉賢父樹棠歲貢生陽春縣訓導善行
載志兩世皆以君秩贈承德郎母李氏贈安人君少穎悟日誦數

萬言工詩古文辭弱冠補縣學生食餼為諸生祭酒屢試行省不
售乃以訓導就銓非其志也君幼有至性長益孝友雖以教籍職
注籍選人二親之存未嘗捧檄離也兄弟白首敦睦無間言長兄
無人以己子達務嗣之既而李安人及贈公相繼厭世執喪哀毀
如禮君之祖考妣幽宮未營則犯寒暑披榛荆卜吉於栗木雙山
松楸版築獨力任之遠墓傾圮者以時修葺蓋自始遷祖以下無
不致孝思焉君深沈有智略經營家政擇人任事不勞而理以贈
公治命建宗祠庀祭器諸廢畢舉且曰吾族姓蕃衍不能無飢寒
昔宋范文正置義田以贍族國朝雍正時其裔孫瑤追承前緒
建義庄乾隆時張文敏繼之皆以聞俾世守無廢可倣也乃求范
氏張氏義庄條約倣而行以田四百畝入公祠易私產為義田俾

族人皆得食其利尤好義舉淋水為信宜茂名兩縣孔道秋水時

此張氏義庄條約做而行以田四百畝入公祠易私產為義田俾

族人皆得食其利尤好義舉淋水為信宜茂名兩縣孔道秋水時
至渡者苦之君出橐中金修築石梁復於北庄白鋪諸道並建石
梁又於白村合义倡設義渡自是由信宜至郡無病涉者嘗司邑
賓興田租有不足以己租益之三堂中或喪不能殯娶無依婚姻
失時皆量力濟故交零謝歲時周卹其孀者指不勝屈也七年署
平遠訓導十一年署西甯教諭所至進生徒教之其嚴如父其慈
如母諸生咸畏愛惟恐其去願君厭久宦未幾即乞罷常語人曰
學宮材教也儒官師範也士大夫以不獲躋通顯往三氣哀日暮
俯首就之不自量其能否且目為贍貧養老地此豈朝國廷設官
意乎某誠不稱職然苟且戀棧某勿能君之學以靜為主蓋紹衣
陳白沙先生於朱陸兩家通其隔闕所著有四書辨一卷讀君遺

書生平學行宗仰所在斷可識已君涵養淵粹所作皆自道心得
為文洋灑充然炯然詩喜晉魏手自評註博覽羣書於形家
言多所發明著地理宗經集若干卷君訓子孫嚴延師督課制義
外兼及古籍尤以浮華馳逐為戒故諸子相繼以文學自奮入膠
庠有聲夫觀人子孫之盛且賢足以知食報者之必有所自茲非
其不愧孝廉方正之名而卓然克副乎實者與君配梁恭人溫恭
淋慎操作中饋咸有法則事舅姑先意承旨娣如雍容門內無間
言君之家事治絜恭人是賴教子必於禮法常損衣縮食佐君義
舉後君七年卒年七十有二子四人本務廩貢生即用教諭敏務
廩貢生工部主事義務庠生達務廩生出為君克後孫十四人滋
大廩貢生即選訓導滋生庠生滋畹附貢生和平縣教諭滋榮庠

生滋昌滋森滋華滋秀滋溥滋祺滋禧滋初滋祥滋祉曾孫八人
以道光二十三年十月吉日合葬於茂名縣丁川山之原銘曰
制科之興惇行是徵卓哉陸君才豐遇屯晴川媚珠荆璞韞玉有
美在中不雕不琢純孝之至通於神明不務其慕無忝所生爰分
沃壤敬宗睦族儀型鄉黨挽漓入慤樂善勿善好施好忘施非推
非解人而已之君為諸生卅年不過君師諸生三年以去束髮就
試播譽膠蠻以學以教博士傳經多在門生亦在其子積善昌宗
踵文趾美室有淑媛其德與齊內助之懿同穴允宜青原沈沈松
檟蔚若言返佳城棲神冥漠吁嗟陸君先哲與傳勒銘幽宅以永
碩休

蘇林

林德安言及卦此卦轉其意也

轉文以美其本也其卦其意也

為卦譽其意也其卦其意也

非難入而此也其卦其意也

其卦其意也其卦其意也

其卦其意也其卦其意也

其卦其意也其卦其意也

其卦其意也其卦其意也

其卦其意也其卦其意也

浙 江 圖 書 館

李潤齋先生墓表

道光十八年戊戌。熙奉命視廣東學。明年按高州。得士李逢恩。來謁。知其大父潤齋先生。由廩生中乾隆己亥。恩科副榜。以廣甯教縣教諭。老于家。熙先伯父禮齋公。亦以是科領浙江鄉薦。熙於先生為年家子。而是年適遇重開己亥。恩科。以六十年老宿。與新舉之士同賦鹿鳴。郡人稱慶。熙實親見之。先生年蓋已八十有三矣。二十七年。熙官內閣學士。京師湖北興山知縣李大根。先生子也。寓書來。述先生卒二十二年十月。春秋八十六。二十三年六月。葬茂名縣梅麓山。乞熙為表其墓。先生少失父母。斬焉孤也。與其姊并育於大母。悲感愉樂。不主於己。視大母之志而已。大母有使。先姊而趨。大母有賜。後姊而受。姊適林氏。夫尋病廢。姊家庶。

事躬壹任之。姊歿為服期。且曰。吾過禮矣。吾勿忍也。先生父諱宜昌。與兄宜達。宜相弟宜隨。聯舉于鄉。復與宜相同。出身進士。兄弟四人。咸受業高郵王文肅安國門。文肅嘗謂嶺南道脈萃于李氏。世稱四李先生。自先生知學。四先生或歿。或衰。或遠官。未獲一日親炙。乃力自振拔。卒繼其業。先生無所不學。尤工文辭。富著述。官廣甯六年。諸生之桀異者。未嘗叩而不應。退而不怵。其家居通儒之至。是邦者。未嘗不內交。其違也。未嘗不願慕。夫其不逮事父母。而孝稱於鄉黨。無兄弟。而人服其友。恭不及乎庭訓。而學紹先業。無甲乙科。憑藉而文名當世。嗚呼。其可謂難能者也。先生又嘗衣食諸從子之孤。且貧者為外王父置祀田。而婚其後人。之不能妻者。歸邑尉李君崙。訓導鄧君振翼。邑尹胡君湘蘭。三廉吏之喪。贈

都歸邑尉李君崙訓導劉君振翼邑尹胡君湘蘭三庶吏之喪贈

廣甯同僚之罷職不能歸者。郡人稱說先生風誼多此類。然愚以為非先生所難。略勿備。先生諱世芳。字號潤齋。信宜縣人。曾祖乾學。歲貢生。馳贈奉政大夫。蘇州府同知。祖東紹。雍正癸卯拔貢生。合浦縣教諭。誥贈奉政大夫。蘇州府同知。兩世皆以宜隨貴得贈。先生於二十五年。覃恩贈奉政大夫。以大根。魯故贈也。大根於次為先生長子。乙酉拔貢生。由教諭薦升今職。次大樹。縣學生。大幹。廩貢生。候選教諭。孫七。長逢。年增生。次即逢恩。廩生。逢新。逢滋。逢陽。逢辰。逢祺。皆習儒。曾孫五。增榮。高榮。金榮。全榮。祖榮。皆幼也。

浙

先室金氏一品夫人墓志銘

咸豐四年四月二十九日。錢唐戴熙葬先室於西湖三台山麓。先
塋右側。其氏族言行宜志。志曰。君姓金氏。先世休陽人。宋吏部尚
書謚忠肅安節公二十世孫。曾祖贈資政大夫錢唐增生諱德寅。
祖贈承德郎諱以淦。考府通判諱樑。妣王宜人。君為宜人第三女。
生於嘉慶五年三月十三日。年二十二來歸。長余一歲。未歸事父
母。既歸事舅姑。皆竭誠不飾。先妣王太夫人持家嚴。侍左右無纖
微失。恆若有所失。性凝重。對人畜於言。豐於容。人益親之。喜節儉。
不以時尚易其素。來三十年。澣衣外無他製。從官兩至都。一至粵。
每勵余以清。卑腥羶地。勵益甚。幕客某辭去後。贈二研。君曰。是亦
不可受。既去何贈。必有為。余不謂然。朔日請託。亟還之。署人競

購翠石。君熟視良久。出百泉易一贖者。笑曰。我隨官歸人。且真我。假令贖我。必儉我。何真為。他所見類此。君初來。余已登賢書。年三十三。余成進士。三十五。勅封安人。四十五。誥封恭人。四十七。

晉夫人五十。加一品。渾。然若不知人有貴賤者。教子女一

以厚。子四。有恆。可果。恆皆郡庠生。所恆穗孫原名尚幼有恆初入

學。家人咸賀。君方啜泣。為先姑之鍾愛。是子而不及見也。娶三婦。

有恆。朱氏。可恆。朱氏。果恆。孫氏。待之一以寬。女二。一適王惠溥。藍

翎縣丞。一適吳慶。綬邑庠生。二女皆先卒。孫三。兆登。兆春。兆衡。孫


女亦二。君四十後。遭痰疾。時作時止。常終歲默坐。以咸豐二年六

月三日卒。年五十三。卒之前。余方患瘡。君曰。子未可死。可死矣。已

而果然。嗚呼。宜銘。銘曰。

而果然嗚呼宜銘銘曰

君靜余躁子余則雕而君以樸君不尚才兮贊余學余每儻事兮
賴君覺翩然來兮昌余族泊然化兮返君之朔湖水鱗々子山石
密密送君先祔予余終從君於冥邈嗚呼



浙江圖書館





浙江圖書館



Vertical text on the left side of the page, including the characters '浙江圖書館' and other faint, illegible characters.

本
日



浙江圖書館

浙江圖書館善本



乙登記號：021444

一九 年 月 日



浙江圖書館

書名	乙
冊數	2
價格	1.90




浙江圖書館



浙江圖書館

書名	乙
冊數	2
價格	1.90



TIFFEN Color Control Patches

© The Tiffen Company, 2007

Blue

Cyan

Green

Yellow

Red

Magenta

White

3/Color

Black